



BOSNA I HERCEGOVINA
БОСНА И ХЕРЦЕГОВИНА
BOSNIA AND HERZEGOVINA

URED ZA REVIZIJU FINANSIJSKOG POSLOVANJA INSTITUCIJA BiH
URED ZA REVIZIJU FINANSIJSKOG POSLOVANJA INSTITUCIJA BiH
КАНЦЕЛАРИЈА ЗА РЕВИЗИЈУ ФИНАНСИЈСКОГ ПОСЛОВАЊА ИНСТИТУЦИЈА БиХ
AUDIT OFFICE OF THE INSTITUTIONS OF BOSNIA AND HERZEGOVINA



Musala 9, 71 000 Sarajevo, Tel/Fax: ++ 387 (0) 33 26 47 40, www.revizija.gov.ba, e-mail: saibih@bih.net.ba

Broj :

**IZVJEŠĆE O REVIZIJI
ARHIVA BOSNE I HERCEGOVINE
ZA 2003. GODINU**

Sarajevo, srpanj 2004. godine



SADRŽAJ

1.	MIŠLJENJE REVIZORA	3
2.	NALAZI I PREPORUKE	4
2.1.	Sustav internih kontrola	4
2.2.	Izvršenje budžeta	4
2.3.	Nabavke	6
2.4.	Tekući izdaci	7
2.5.	Popis – inventura	7
2.6.	Obveze i potraživanja iz ranijih godina	8
2.7.	Programi posebnih namjena (sukcesija)	9
2.8.	Informacijski sustav	10
3	OSVRT NA IZVRŠENU REVIZIJU ZA 2002.	11
4.	KORESPONDENCIJA	11
5.	SAŽETAK	12



1. MIŠLJENJE REVIZORA

- 1.1. Ured za reviziju finansijskog poslovanja Institucija Bosne i Hercegovine izvršio je reviziju finansijskih izvješća i značajnih odluka rukovodstva u **Arhivu Bosne i Hercegovine** (u daljnjem tekstu : Arhiv) za finansijsku 2003. godinu.
- 1.2. Rukovodstvo Arhiva odgovorno je za učinkovito poslovanje koje treba biti u suglasnosti sa zakonskom regulativom. Ova odgovornost uključuje podnošenje pouzdanih izvješća o poslovanju u godišnjem finansijskom izvješću.
- 1.3. Naša odgovornost je izraziti mišljenje o tim finansijskim izvješćima u suglasnosti sa generalno usvojenim revizijskim standardima, te sukladno članku 13. Zakona o reviziji finansijskog poslovanja institucija Bosne i Hercegovine («Službeni glasnik BiH» broj 17/99) izvijestimo o sljedećem :
 - jesu li računi sastavljeni sukladno važećoj zakonskoj regulativi;
 - odražavaju li godišnji računi odražavaju točan i istinit prikaz poslovanja tokom godine i stanja na kraju godine;
 - ekonomičnosti, učinkovitosti i uspješnosti kojom je organizacija koristila sredstva u vršenju svojih funkcija;
- 1.4. Reviziju smo izvršili sukladno generalno prihvaćenim revizijskim standardima i standardima Međunarodne organizacije vrhovnih revizijskih institucija – INTOSAI («Službeni glasnik BiH», broj 5/01). Ovi standardi zahtijevaju da reviziju planiramo i izvršimo s ciljem postizanja razumnog temelja za procjenu predstavljaju li finansijska izvješća predstavljaju točan i istinit prikaz poslovanja tokom godine. Stoga je revizija ispitivala uzorak značajnih transakcija i odluka rukovodstva.

Smatramo kako revizija koju smo izvršili pruža razuman temelj za naše mišljenje.

Ured za reviziju izražava rezervu za finansijska izvješća Arhiva za 2003. godinu u vezi pozicija koje se odnose na sljedeće :

- **procedure nabavki iz proračuna (10.500 KM) i procedure izbora izvođača za usluge popravaka i adaptacija prostorija Arhiva iz programa sukcesije (16.543 KM) nisu bile u cijelosti izvršene sukladno propisima koji reguliraju područje javnih nabavki (točka 2.3. i 2.7.);**
- **Obračunate a neisplaćene obveze za plaće i naknade uposlenih iz 1999. i 2000. godine iskazane u poslovnim knjigama i finansijskim izvješćima Arhiva u iznosu od 157.670 KM, nisu još uvijek riješene i predstavljaju potencijalne obveze koje mogu biti izvršene na teret sredstava proračuna BiH (točka 2.6.);**
- **Sporne obveze iz 1997. godine prema firmi «AMH Studio 9» Sarajevo, iskazane netočno u poslovnim knjigama Arhiva i finansijskim izvješćima, a koji prema mišljenju Revizije iznose 15.945 KM (bez kamata), predstavljaju potencijalne obveze koje mogu biti izvršene na teret sredstava proračuna (točka 2.6.);**



2. NALAZI I PREPORUKE

2.1. Sustav internih kontrola

Revizija je uočila nedostatke u sustavu internih kontrola u dijelu koji se odnosi na primjenu postupaka nabavki prema Odluci o postupku nabavke roba, usluga i ustupanja radova za potrebe institucija BiH koja je donesena od strane Vijeća ministara. Svojim internim pravilima Arhiv je propisao procedure stvaranja obveza i procedure nabavke roba, usluga i ustupanja radova koje nisu bile u cijelosti primijenjene. Također, uočili smo kako se u pojedinim dijelovima postupci internih procedura nabavki razlikuju od Odluke Vijeća ministara, što je nepravilno.

Kao posljedica kršenja Odluke Vijeća ministara o postupku nabavki roba, usluga i ustupanja radova za potrebe institucija BiH i nedovoljno preciznih i pravilnih internih procedura nabavki, Arhiv nije u cijelosti, na zakonit i transparentan način u 2003. godini realizirao izdatke za nabavke materijala i usluga.

Arhiv je obvezan pridržavati se propisanih procedura vezano za nabavke materijala i usluga i ustupanja radova koje su propisane za sve institucije BiH. Interne procedure moraju biti u suglasnosti sa važećim odlukama Vijeća ministara, a preciznije trebaju definirati postupke odobravanje, kontrolu i nadzor prigodom realizacije nabavki.

2.2. Izvršenje budžeta

Ukupan proračun Arhiva za 2003. godinu iznosio je **166.233 KM**, a prema usvojenom rebalansu **373.015 KM**. Arhiv tokom 2003. godine nije koristio tekuće rezerve proračuna, niti je vršio internu promjenu strukture pojedinih kategorija proračuna.

Odobreni proračun realiziran je za tekuće izdatke, kapitalne izdatke i programe posebne namjene proračuna za sukcesiju u ukupnom iznosu od **213.112 KM**, što je za **159.903 KM** manje od raspoloživog proračuna, ili što predstavlja ostvarenje **57 %** od plana.



Pregled izvršenja budžeta za 2003. godinu prikazan je u narednoj tabeli :

PREGLED IZVRŠENJA Proračuna ZA 2003. godinu

Tablica br. 1.

Iznosi u KM

Red. broj	Vrsta Rashoda	Proračun za 2003.god	Rebalans Proračuna za 2003.	Promjena strukture proračuna	Tekuće rezerve proračuna	Ukupno Odobreni Proračun (4+5+6)	Izvršenje proračuna 2003.	Indeks 8/7
1	2	3	4	5	6	7	8	9
I	Tekući izdaci	146,233	273,015	0	0	273,015	174,577	64
1	Plaće uposlenih	74,592	144,346	0	0	144,346	102,016	71
2	Naknade troškova uposl. i skupšt.zast.	43,256	61,369	0	0	61,369	45,095	73
3	Putni troškovi	4,400	7,000	0	0	7,000	2,109	30
4	Izdaci za energiju	2,640	4,100	0	0	4,100	1,458	36
5	Izdaci za komunalne usluge	3,750	6,000	0	0	6,000	4,444	74
6	Nabavka materijala	6,468	11,000	0	0	11,000	7,745	70
7	Izdaci za usluge prijevoza i goriva	2,332	4,200	0	0	4,200	401	10
8	Unajmljivanje imovine i opreme	0	0	0	0	0	0	
9	Izdaci za tekuće održavanje	1,804	4,100	0	0	4,100	2,210	54
10	Izdaci za osiguranje	0	900	0	0	900	0	0
11	Ugovorene usluge	6,991	30,000	0	0	30,000	9,099	30
II	Tekući grantovi	0	0	0	0	0	0	
III	Kapitalni izdaci	0	20,000	0	0	20,000	9,110	46
1	Nabavka građevina	0	0	0	0	0	0	
2	Nabavka opreme	0	20,000	0	0	20,000	9,110	46
3	Nabavka ostalih stalnih sredstava	0	0	0	0	0	0	
IV	Programi posebne namjene	20,000	80,000	0	0	80,000	29,425	37
1	Program sukcesije	20,000	80,000	0	0	80,000	29,425	37
V	SVEUKUPNO (I-IV)	166,233	373,015	0	0	373,015	213,112	57
VI	Broj uposlenih	4	12	0	0	12	5	42

Arhiv nije prekoračio pojedine stavke proračuna, niti ukupan godišnji proračun za 2003. godinu. Ostvareni tekući izdaci, koji su realizirani 64% od plana, i ostvareni broj uposlenih, koji iznosi 42% od planiranog, pokazuje neadekvatno planiranje ili neizvršavanje planiranog obima poslovanja. Mišljenja smo kako Arhiv nije poduzeo odgovarajuće aktivnosti kod Vijeća ministara i Ministarstva financija i trezora na definiranju optimalnog broja uposlenih, kojim bi funkcija Arhiva bila u cijelosti uspostavljena.

Revizija je u svojim ranijim preporukama isticala potrebu da Arhiv u suradnji sa Vijećem ministara utvrdi dinamiku popunjavanja potrebnog broja uposlenih sukladno usvojenom pravilniku uzimajući u obzir realne potrebe kako bi se postavljeni ciljevi Arhiva učinkovito izvršavali.



2.3. Nabavke

Revizijom je konstatirano kako Arhiv nije poštuovao odredbe Odluke o nabavci roba, usluga i ustupanja radova za potrebe institucija BiH koja je donesena od Vijeća ministara. Od uočenih nepravilnosti izdvajamo :

Nabavke kapitalnih sredstava

Nabavka inventara (metalnih nosača za arhivsku građu) u iznosu od 3.609 KM izvršena je izborom dobavljača «Kabas» Sarajevo neposrednom pogodbom, bez prethodno pribavljene suglasnosti Ministarstva financija i trezora, što nije sukladno Odluci Vijeća ministara o postupku nabavke roba, usluga i ustupanja radova za potrebe institucija BiH;

Nabavka računalne opreme (1.745 KM) izvršena je od firme «Ekskluziv» Sarajevo, koja je za potrebe institucija BiH izabrana za nabavku kancelarijskog materijala, a ne za nabavku računalne opreme.

Nabavke materijala

Na kontu izdataka evidentiran je kancelarijski materijal po računima dobavljača. Za nabavljeni kancelarijski materijal u iznosu 3.691 KM, koji je nabavljen prije donošenja Odluke o postupku nabavke od strane Vijeća ministara, nije proveden izbor najpovoljnijeg ponuđača.

Troškovi sitnog inventara

Kod nabavke inventara od dobavljača u iznosu 929 KM nije provedena procedura izbora dobavljača zbog žurnosti nabavke (nabavljan nedostajući materijal za smještaj preuzetog registraturnog materijala od «CRPC»).

Usluge tiskanja

Izbor dobavljača (526 KM) izvršen je neposrednom pogodbom bez provođenja procedure sukladno Odluci Vijeća Ministara.

Arhiv mora dosljedno primjenjivati propise koji reguliraju procedure javnih nabavki kako bi se osiguralo transparentno i ravnopravno sudjelovanje svih ponuđača na tržištu. Nepoštivanje propisanih procedura javnih nabavki koje su predviđene za sve institucije BiH može dovesti do favoriziranja dobavljača koji nemaju uvjete za pojavljivanje na tržištu.



2.4. Tekući izdaci

Kod tekućih izdataka uočili smo odstupanja od utvrđenih pravila računovodstvenog evidentiranja.

Putni troškovi

Pregledom ostvarenih putnih naloga, realiziranih iz proračuna i programa «Sukcesije», uočene su sljedeće nepravilnosti koje se tiču računovodstva:

- Ne vodi se evidencija izdanih putnih naloga;
- Podignute akontacije su nepravilno evidentirane - knjižene su na izdatke za dnevnicu umjesto na potraživanja do pravdanja naloga;
- Dio izdataka po jednom putnom nalogu je evidentiran na Arhiv, a dio na program Sukcesije;
- Knjižena izdataka na temelju putnih naloga nisu ažurna.

Komunalne usluge

U okviru ovih usluga pregledani su izdaci za telefonske usluge. Utvrđene su sljedeće nepravilnosti:

- Pojedini računi nisu ovjereni sukladno internim procedurama;
- Odluka o korištenju mobilnih telefona ne poštuje se na način da se postupa sukladno donesenoj odluci (ne vrši se nadoknada prekoračenog iznosa);

Ostale usluge

Na ostalim uslugama evidentirani su izdaci za povremene poslove koji su izvršavani angažiranjem uposlenih putem servisa.

- Kod pregledanih izdataka za ove namjene (6.208 KM) nisu donesene odluke za koje razdoblje je potrebno vršenje pomoćnih poslova. Također, računi za ove namjene nisu ovjereni sukladno internoj proceduri stvaranja obveza (ovjerene su upute za rad i ugovori bez naznake u kom razdoblju je rad vršen).

Preporučamo Arhivu poduzimanje mjera na otklanjanju ovih nedostataka uočenih kod izdataka za putne troškove, izdataka za telefonske usluge i angažiranja uposlenih putem servisa.

2.5. Popis – inventura

Popis imovine potraživanja i obveza Arhiva na dan 31.12.2003. godine izvršen je na temelju donesenog Rješenja o formiranju Povjerenstva za popis osnovnih sredstava, sitnog inventara, novčanih sredstava (gotovina u blagajni), potraživanja i obveza za 2003. godinu. Revizijom su uočeni sljedeći nedostaci prigodom popisa:

- Na osnovnim sredstvima ne postoje inventurni brojevi, što znatno otežava provođenje i kvalitetno vršenje popisa;
- Osnovna sredstva se ne evidentiraju u knjizi osnovnih sredstava niti se vodi njihova analitička evidencija;
- U popisnim listama upisane su ukupne količine osnovnih sredstava po vrstama, a ne pojedinačno prema podvrstama;
- Popis potraživanja i obveza ne sadrži analitičke specifikacije popisanih ukupnih potraživanja i obveza,

Uočene nepravilnosti mogu imati utjecaja na zaštitu imovine Arhiva. Preporučamo da se stalna sredstva označe inventarnim brojevima i evidentiraju u knjigu osnovnih sredstava. Prigodom popisa sva sredstva moraju biti evidentirana pojedinačno u popisne liste. Popis obveza i potraživanja mora također biti popisan analitički prema pojedinim računima ili dijelovima računa koji čine ukupne obveze i potraživanja.

2.6. Obveze i potraživanja iz ranijih godina

U poslovnim knjigama Arhiva evidentirane su obveze i potraživanja iz ranijih godina koja se u bilanci Arhiva svake godine prikazuju u istom iznosu kao prenosi početnih stanja. Navedeno se odnosi na sljedeće :

Ukupne obveze Arhiva iz ranijih godina koje su evidentirane u poslovnim knjigama (ne računajući redovite obveze iz 2003. godine) iznose **195.043 KM**.

Najveći dio ovih obveza (koje su u bilanci evidentirane kao «ostale dugoročne obveze») odnosi se na neisplaćene bruto plaće za tri uposlena iz 1999. i 2000. godine u ukupnom iznosu od **118.783 KM**. Obveze za neisplaćene plaće stvorene su prije konstituiranja Arhiva prema Zakonu o arhivskoj građi i Arhivu Bosne i Hercegovine koji je stupio na snagu u srpnju 2001. godine. Arhiv Bosne i Hercegovine nije prekidao svoj rad, ali zbog neriješenog pravnog statusa Arhiva u kontinuitetu, za tri uposlena nisu, prema njihovim navodima, isplaćena sredstva za plaće i naknade u razdoblju od kolovoza 1998. godine do travnja 2001. godine. Obveze prema uposlenima za 1998. i 2001. godinu su riješene, tako da su ostale obveze koje se odnose na 1999. i 2000. godinu. Navedene obveze predstavljaju potencijalne obveze koje mogu biti izvršene na teret sredstava proračuna BiH.

Dio iskazanih obveza u iznosu od **38.887 KM** odnosi se na naknade uposlenima iz 1999. i 2000. godine, obračunate po istom temelju kao i plaće iz ranijih godina.

Rukovodstvo Arhiva u više navrata obraćalo se mjerodavnim institucijama Bosne i Hercegovine (Ministarstvu za trezor, Vijeću ministara, Ombudsmanu za ljudska prava) za rješavanje problema izmirivanja nastalih obveza temeljem plaća i naknada, ali isti još uvijek nije riješen.

Revizija je u svom ranijem izvješću naznačila kako nema mandat za arbitriranje u slučaju rješavanja ovih obveza, za čije rješavanje ovlast ima Vijeće ministara. Ovaj stav revizija i dalje zastupa.

Preporučamo da rukovodstvo Arhiva u suradnji sa Vijećem ministara, pronađe odgovarajuće rješenje za obveze temeljem plaća i naknada uposlenih iz ranijeg razdoblja.



Dio obveza u iznosu od **37.373 KM** (koje su u Bilanci stanja evidentirane kao «kratkoročna razgraničenja») odnose se na obveze temeljem sudskih izvršenja i sudskih troškova za koje Arhiv nije mogao dati pouzdano obrazloženje na koga se ove obveze odnose. Prema našem mišljenju, ove obveze odnose se na spor u vezi isporučenog/neisporučenog materijala za Arhiv od firme «AMH Studio 9» Sarajevo (19.290 KM), zatim na obveze prema «AMH Studio 9» (17.800 KM) temeljem izvršenih uplata iz 1997. godine, koje su u istom iznosu evidentirane i kao potraživanja prema istoj firmi. Ostatak obveze (283 KM) nije identificiran.

Evidentirani podaci na poziciji «kratkoročna razgraničenja» nisu pouzdani i revizija ne može potvrditi vjerodostojnost ovih podataka iskazanih u bilanci Arhiva koji su 1997. godine pogrešno evidentirani i koji se svake godine prikazuju u bilanci kao prijenos početnih stanja.

Revizija je istraživala obveze i uplate iz 1997. godine prema firmi «AMH Studio 9» na temelju dokumentacije koja nam je bila na raspolaganju (uplate i fakture) i koju uzimamo sa rezervom s obzirom da se ne možemo uvjeriti u njenu sveobuhvatnost.

Revizijom je utvrđeno sljedeće:

Ukupne obveze Arhiva po spornim računima¹ iznosile su 40.745 KM, a ukupne uplate² 24.800 KM, tako da je ukupna potencijalna obveza Arhiva 15.945 KM. Ova obveza može nastati kao posljedica sudskih sporova po pojedinačnim fakturama. Dobili smo na uvid dva sudska izvršenja za dvije sporne fakture (Račun 56/97 i Račun 51/97), čije je izvršenje privremeno odloženo zbog prigovoru upućenog od strane Arhiva. Ukupne potencijalne obveze mogu imati utjecaja sa stanovišta moguće realizacije na teret sredstava proračuna.

Netočno iskazane obveze i potraživanja u poslovnim knjigama na temelju evidencija koje se odnose na dobavljača «AMH Studio 9» Arhiv treba ispraviti nakon što se završi spor sa navedenim dobavljačem.

2.7. Programi posebnih namjena (Program sukcesije)

Arhiv je tokom 2003. godine imao određene aktivnosti na realizaciji poslova sukcesije arhivske građe bivše SR Jugoslavije. Predviđeni troškovi iz proračuna 2003. godine za ove namjene iznosili su 80.000 KM, a realizirano je 29.425 KM ili 37%. Troškovi za usluge popravaka i održavanja prostorija za smještaj arhivske građe iznosili su 16.543 KM, putni troškovi 7.266 KM i ostali troškovi 5.616 KM.

Usluge popravaka i održavanja prostorija za smještaj arhivske građe izvršene su od strane firmi «SZD Mani» Sarajevo u iznosu od 4.791 KM, «ABC Revija» Sarajevo u iznosu od 3.352 KM i «Kolinvest» Sarajevo u iznosu od 8.400 KM i nisu realizirani sukladno Odluci Vijeća ministara o postupku nabavke roba, usluga i ustupanja radova za potrebe institucija BiH. Usluge instalacija računalne opreme za internu uporabu Arhiva izvršene od strane firme «Kamer» Sarajevo u iznosu od 1.298 KM, nisu bile realizirane putem Službe za zajedničke poslove institucija BiH.

¹ Račun 56/97 (5.940 KM), Račun 51/97 (5.245 KM), Račun 52/97 (8.880 KM), Račun 55/97 (20.680 KM)

² Uplate: 10.000 KM (13.11.1996.), 7.000 KM (08.12.1997.), 5.800 KM (30.04.1998.), 2.000 KM (02.02.1998.)

- Smatramo kako je u slučaju usluga popravaka prostorija za smještaj arhivske građe trebalo izvršiti objedinjavanje svih potrebnih radova u ukupnoj vrijednosti i na svim lokalitetima prostorija Arhiva i raspisati javni natječaj za izbor najpovoljnijeg ponuđača. Isti radovi i sa istim izvođačima izvršavani su u 2002. godini;
- Također, kod izvođenja radova nisu poštovane procedure nabavki prema Odluci Vijeća ministara o postupku nabavke roba, usluga i ustupanja radova, pri čemu su ovi radovi, odnosno usluge, trebale biti izvršene putem Službe za zajedničke poslove institucija BiH, koja sa izabranim ponuđačem zaključuje ugovor uz prethodno provedeni postupak izbora najpovoljnijeg ponuđača. Arhiv je samo u slučaju kod izvođača «Kolinvest» tražio i dobio suglasnost Ministarstva financija i trezora za neposrednu pogodbu sa jednim izvođačem;

Ponovno skrećemo pozornost Arhivu na ove propuste i preporučamo dosljednu primjenu propisa koji reguliraju procedure javnih nabavki kako bi se osiguralo transparentno i ravnopravno sudjelovanje svih ponuđača na tržištu.

Nepoštivanje propisanih procedura javnih nabavki koje su predviđene za sve institucije BiH koje se financiraju iz proračuna BiH, može dovesti do favoriziranja dobavljača koji nemaju uvjete za pojavljivanje na tržištu.

2.8. Informacijski sustav

Revizija je u svojim ranijim izvješćima konstatirala kako u Arhivu ne postoji organiziran informacijski sustav. S obzirom da bi se poslovanje arhiva moglo umnogome poboljšati primjenom i korištenjem informacijskih tehnologija, rukovodstvo bi trebalo studioznije pristupiti problemu informatizacije.

Kao preduvjet buduće informatizacije rukovodstvo bi trebalo donijeti i usvojiti razvojne planove informatizacije, u kojima će biti sagledane sve potrebe Arhiva za informatičkom podrškom.

Nakon uspostave informacijskog sustava, a radi učinkovitog korištenja, potrebno je propisati procedure koje se tiču uporabe informacijskih tehnologija.



3. OSVRT NA IZVRŠENU REVIZIJU ZA 2002.

Ured za reviziju izvršio je reviziju poslovanja Arhiva za 2002. godinu, o čemu je sačinjeno Izvješće o reviziji.

Osvrtom na preporuke prethodne revizije utvrđeno je kako Arhiv nije poduzeo sve aktivnosti na otklanjanju nedostataka konstatiranih ranijom revizijom, te kako su iste slabosti i nepravilnosti ostale i u 2003. godini. Navedeno se odnosi na sljedeće:

- procedure nabavke robe i usluga nisu u cijelosti poštovane;
- obveze za plaće i naknade uposlenih iz 1999. i 2000. godine, koje su iskazane u poslovnim knjigama, nisu još uvijek riješene;
- obveze i potraživanja temeljem spornih obveza iz 1997. godine nisu također riješena.

4. KORESPONDENCIJA SA KLIJENTOM

Arhivu je dana 14.06.2004. godine uručen nacrt Izvješća o izvršenoj reviziji za 2003. godinu na razmatranje i dostavljanje eventualnih komentara i primjedbi na nalaz revizije. Arhiv je u ostavljenom roku od 7 dana dostavio pismeno izjašnjenje na naše izvješće u kojem podržava nalaz revizije.



5. SAŽETAK

Tokom vršenja svog mandata revizija je 2003. godine konstatirala gotovo iste nedostatke koji su bili uočeni i 2002. godine. Revizijom je utvrđeno kako nedostaju određene procedure u dijelu koje se odnose na nabavke prema Odluci o postupku nabavke roba, usluga i ustupanja radova za potrebe institucija BiH.

Kao posljedica ovoga, utvrđeno je kako Arhiv nije u cijelosti poštovao procedure javnih nabavki za izvršene kapitalne izdatke i usluge adaptacija prostorija Arhiva za smještaj arhivske građe.

Obveze za plaće i naknade iz ranijih godina (1999. i 2000. godina) nisu još uvijek riješene i predstavljaju potencijalne obveze na teret proračuna BiH.

Obveze na temelju sudskog spora sa «AMH Studio 9» iz 1997. godine također nisu riješene te i one predstavljaju potencijalne obveze na teret sredstava proračuna.

∴

**vršitelj dužnosti generalnog
revizora**

Samir Mušović

zamjenik generalnog revizora

Dragan Kulina